

## Was merr su babbeld

Honnes, derrf isch disch ebbes frooche?  
Ei nodierlich. Was hosde donn?  
Ei noja.  
Was noja?  
Isch deet disch gern frooche ...  
Was?  
Ob de misch noch lieb host.  
Ja. Was hosden kabutt gemacht?  
Wie moonsden dess?  
Wennde misch su frooche dust, also was?  
Doin Lämpptopp.  
Moin Lämpptopp? Bissde verriggd? Unn wie?  
Isch hebben versaafd.  
Wie versaafd?  
Isch wollt die Blumme in doiner Stubb gieße ...  
Unn?  
Isch hadd su e gruß Tass voll Wasser unn ..  
... die hosde iwwern Lämpptopp geschidd?  
Weilde aach immer de Deggel uffstieh lässt.  
Was fern Deggel?  
Ei de Deggel vumm Lämpptopp.  
De Bildscherrm?  
Ja, de Bildscherrm. Isch saach derr immer ...  
... mach de Deggel zu weeschem Staab.  
Ja, dess saach isch.  
Egal, jetz giehsde emol mett in moi Stubb.  
Ja.  
De Bildscherrm iss doch zugeklabbd.  
Dess war isch, isch hebben zugeklabbd.  
Noochdem de Wasser druff geschidd host?  
Ja, denooch.  
Hm. Der Lämpptopp iss awwer trocke.  
Isch hebben joo aach meddem Fön getrockend.  
Meddem Fön. Gieh mol e Stick ewegg.  
Warum donn?  
Isch machen oo, villeischd duder explodiern.  
Um Gotteswille, explodiern.  
Holl schunn emol de Feierlescher.  
Der iss doch ferrs Fille fort.  
Ach so. Achtung, isch drigg de blaue Knobb.  
Unn?  
Er lääfd hoch, dess dut e bissi dauern. Jetz.  
Unn, iss alles in Ordnung?  
Wie isch sehe due, ja.  
Doo hosde nochemol Gligg gehabbd.

Honne526

Wie, isch? Du host Gligg gehabbd.  
Egal. Nächsdens mächsde de Deggel zu.  
Ess werrd merr nix onnersd iwwerisch bleiwe.  
Hannes?  
Ja?  
Hosde misch noch lieb?  
Ja. Was issen noch?  
Isch habb gar koo Wasser driwwer geschidd.  
Aha. Die gons Geschicht meddem Wasser ...  
... habb isch erfunne weesche dem Deggel.  
Unn weesche dem Staab?  
Grad weesche dem Staab.  
Doo hosde eischendlich recht.  
Also machen immer zu. Sunnst ...  
Sunnst?  
Häng isch derr e Schild onn de Läpptopp.  
E Schild? Was schreibsden druff?  
Deggel zu odder Blummewasser, was willsde?

Eiern Hannes